

新都縣志卷十八

風俗志

業耕讀寡爭訟遠佛老

通志

士習秀而好文以讀書為業舉止多醇謹不與外事衣冠文物猶為近古

民風尚淳樸務本者多間有爭訟諭以理即解急公赴義尤重氣節

農事無分長幼盡力田間終歲勤動絕無游惰紛華之習

新都縣志

卷十八

風俗

女工勤於紡績無閒晝夜不盛粧飾但求潔淨而已

工役雖近省會技巧不聚凡所營造拙樸無華商賈往來鄉市不欺貧乏筭算雖工利中有義